



Broj: 11-14-38-29990-9/17

Sarajevo, 14.11.2017.

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 70. Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), na preporuku Komisije za provođenje javne nabavke putem otvorenog postupka za nabavku ormarića i druge opreme za potrebe učenika u osnovnim školama na području Kantona Sarajevo (Zapisnik o pregledu i ocjeni ponuda broj: 11-14-38-29990-8/17 od 14.11.2017. godine), ministar za obrazovanje, nauku i mlade Kantona Sarajevo, **d o n o s i:**

O D L U K U

o izboru najpovoljnijeg ponuđača

Član 1.

Prihvata se Preporuka Komisije za provođenje javne nabavke putem otvorenog postupka za Nabavku ormarića i druge opreme za potrebe učenika u osnovnim školama na području Kantona Sarajevo i dodjeljuje se ponuđaču **“R&S ” d.o.o. Sarajevo**, prema dostavljenoj ponudi broj: 16822/17 od 3.11.2017. godine u ukupnoj vrijednosti od **170.820,00 KM bez PDV-a**.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest dana), računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti, odnosno originalne ili ovjerene kopije u vezi člana 45. stav (1) tačkama a) do d), jer iste nije dostavio u ponudi, kao i originalne ili ovjerene kopije u vezi člana 47. stav (1) tačka c) (bilans stanja i bilans uspjeha za 2016. godinu), jer je u svojoj ponudi dostavio obične kopije, u roku od 10 (deset) dana nakon što bude obaviješten od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, <http://www.mon.ks.gov.ba>, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14).

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-14-38-29990/17 od 9.10.2017. godine – Nabavka ormarića i druge opreme za potrebe učenika u osnovnim školama na području Kantona Sarajevo. Javna nabavka je provedena putem postupka: Otvoreni postupak. Procijenjena vrijednost javne nabavke bez PDV-a iznosila je 170.900,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 5774-1-1-22-3-18/17 od 17.10.2017. godine u 12:23h i u „Službenom glasniku BiH“ br. 75/17 od 20.10.2017. godine.

U skladu sa provođenjem postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 6.11.2017. godine do 9,30 h konstatirala da su u uredno zatvorenim kovertama dostavljene ponude ponuđača za nabavku ormarića za potrebe učenika u osnovnim školama na području Kantona Sarajevo

R.br.	PONUĐAČ (naziv i sjedište)
1.	„R&S“ d.o.o. Sarajevo, Igmanska b.b., 71 320 Vogošća
2.	„FEF“ EXPORT IMPORT d.o.o. Sarajevo, Ul.Azize Šaćirbegović 24, 71 000 Sarajevo

U skladu sa Odlukom o pokretanju postupka, Komisija za provođenje javne nabavke, formirana Rješenjem broj: 11-14-38-29990-1/17 od 9.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 11-14-38-29990-8/17 od 14.11.2017. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dva (2)
- da su blagovremeno zaprimljene ukupno dvije (2) ponude
- da nema neblagovremeno zaprimljenih ponuda
- da je ponuda ponuđača „R&S“ d.o.o. Sarajevo formalno-pravno ispravna, odnosno ista ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača „FEF“ EXPORT-IMPORT d.o.o. Sarajevo nije formalno-pravno ispravna, odnosno ista ne ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa jer nije dostavila Formu garancije za ozbiljnost ponude (Prilog IX) koja je tražena u tenderskoj dokumentaciji.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke putem otvorenog postupka za nabavku ormarića i druge opreme za potrebe učenika u osnovnim školama na području Kantona Sarajevo po osnovu kriterija „ekonomski najpovoljnija ponuda“ po redosljedju od najniže do najviše ponuđene cijene kako slijedi:

Rb	PONUĐAČ	
1.	„R&S“ d.o.o., Igmanska b.b. , 71 320 Vogošća	100 bodova

U skladu sa kriterijumom “ekonomski najpovoljnija ponuda”, **ugovor se dodjeljuje ponuđaču “R&S“ d.o.o. Sarajevo** u ukupnoj vrijednosti od **170.820,00 KM** (bez PDV-a), odnosno **199.859,40 KM** (sa PDV-om) i rokom isporuke od 7 (sedam) dana. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvu za obrazovanje, nauku i mlade Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu od 2000,00 KM, u skladu sa članom 108. stav 1. tačka c) Zakona o javnim nabavkama ("Službeni glasnik Bosne i Hercegovine", broj 39/14).

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

- Zapisnik o pregledu i ocjeni ponuda broj: 11-14-38-29990-8/17 od 14.11.2017. godine

Dostaviti:

1. Ponuđačima
2. Ministarstvu za obrazovanje, nauku i mlade KS
3. a/a



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

